

SAKSPAPIR

Saksnr	Utval	Type	Dato
015/19	Levekårsutvalet	PS	14.05.2019

Saksbehandlar	ArkivsakID
Eileen M Feste	19/52

Kulturmidlar 2019 - hovudtildeling

Vedlegg :

2310 Barn og unge3750 KULTURVERN OG SAMLINGER3770 KUNSTFORMIDLING OG MUSIKK3850
ANDRE KULTURAKTIVITETER (3)3800 Idrett

Rådmannen sitt framlegg til vedtak

Levekårsutvalet vedtek rådmannens sitt framlegg om tildeling av kulturmidlar
2019 – hovudtildeling.

Levekårsutvalet - 015/19

LE - behandling:

Ettersendt nytt vedlegg under kunstformidling og musikk - 13.05.2019.
Orientering til saka v/Eileen Feste-Kst.Kultursjef

Fellesframlegg: Rådmannen sitt framlegg med følgjande tillegg:

-Alvermarka Vel får kr. 20.000,-

-Hilland Vel får kr. 5.000,-

Framlegget vart samrøystes vedteke.

LE - vedtak:

Levekårsutvalet vedtek rådmannens sitt framlegg om tildeling av kulturmidlar
2019 – hovudtildeling med følgjande endring:

-Alvermarka Vel får kr. 20.000,-

-Hilland Vel får kr. 5.000,-

Saksopplysningar:

Politisk handsaming

Saka skal avgjerast i Levekårsutvalet

Bakgrunn

Dei kommunale kulturmidlane har som målsetjing å styrkje fellesskap og livskvalitet i lokalmiljøet. Gjennom støtte til det lokale kultur-, idrett- og friluftsliv ønskjer Lindås kommune å stimulere til utvikling av nye idear, samarbeid og aktivitet. Gjennom eit mangfald skal alle ha høve til gode opplevingar.

Kommunestyret har løyvd kr 2.337.600 til kulturmidlar i 2019.

Kategori	Ramme 2019	Rådmann si framlegg 2019	Avvik
Barn og unge	408.000	313.100	94.900
Kulturvern og samlingar	205.000	205.000	0
Kunstformidling/musikk	618.000	657.900	- 39.900
Idrett	836.000	835.970	30
Andre kulturaktivitetar	220.600	220.600	0
Haustildeling	50.000		
	Kr 2.337.600	2.232.570	55.030

Om Levekår følgjer rådmann sitt framlegg til tildeling, vil ein ha kr 105.030 (kr 50.000 + kr 55.030) til disposisjon til haustildeling (aktivitet/prosjektilskot). Frist er sett til 4. august.

Kulturmidlar har vert gjort kjent gjennom «Lindås kommune informer» i fulldistribusjon i Avisa Nordhordland samt på kommunen sine sosiale media.

Saka ble sendt på høyring i tråd med framdriftsplan sendt ut til Lindås idrettsråd, Lindås kulturråd og Lindås ungdomsråd 18.01.19. Saka ble sendt ut 10. april, med frist 26.04.

Lindås kulturråd har sendt svar 29.04.19.

Lindås kulturråd hadde møte onsdag førre veke kor vi mellom anna tok opp kulturmidlane.. Vi har ikkje noko innspel å kome med i denne omgang, det vil bli mykje dei same kommentarane som i fjor.

Det er eit formidabelt arbeid du gjer med handsaminga og oppsett av kulturmidlane.

Vi håper verkeleg at det kjem på plass eit godt datateknisk program for kulturmidlane i Alver kommune.

Lindås idrettsråd v/leiar sendte sms 29.04.19.

Ingen innspel frå oss.

Vurdering

BARN OG UNGDOM

Til disposisjon kr 408.000
Rådmann si framlegg kr 313.100

Kategori	Søkt	Rådmann si framlegg
Drift	160.000	104.100
Aktivitet/prosjekt	163.403	80.500
Investeringsstilskot	204.000	128.500
TOTALT	517.403	313.100

DRIFT

Under 19 år	19 +	Grunnbeløp
300 per pers	150 per pers	5.000

For dei laga som utfrå denne utrekninga kunne fått meir enn det er søkt om, får dei ca 75% av søknadssum. Unntak er Samhald 4H som har sendt totalt 6 søknadar. Desse får ca 50%, nokre søknadar noko mindre.

Måndagsklubben

Måndagsklubben starta opp i april 2018. Klubben er ei fortsetjing av det som før var Seim søndagsskule.

Kyrkjeklubben

Kyrkjeklubben er ein klubb i Knarvik kyrkje for personar med utviklingshemming. Klubben har møte 10 gonger i året, kvar 1. måndag i månaden.

Kløvheim søndagsskule

Kløvheim søndagsskule vart stifta i 1915, og har vore i drift sidan Kløvheim søndagsskule.

Dei har

samlingar annankvar søndag, og det er mellom 12 og 15 barn i alderen 4-13 år som deltek. Dette er den einaste aktivitetstilbodet i skulekrinsen for barn under skulealder.

Osterfjorden sokn

Osterfjorden sokneråd søkjar midlar til fredagskafeen (ungdom 13-18 år, der ein kan vere medlem utover den tid om ein ønskjer det), Jungelgjengen ((barn 0-12 år) og søndagsskuletilbod (1-4 klassesteg)

Samhald 4H

Søknaden gjeld drift av Samhald 4H. 4H er ein ideell barne- og ungdomsorganisasjon som er livssynsøytral og partipolitisk uavhengig.

Bygdekinoen på Lygra

Bygdekinoen

Ar framsyning ein onsdag i månaden på Lyngheisenteret. Vidar Myksvoll har dei siste 17 åra drevet tilbodet saman med nokre ungdom i bygda. Det er Bygdekinoen som står for framsyninga, mens Vidar og co tek seg av det praktiske med plakatoppheng, reinhald, bere utstyr og driv kiosk.

For å besøke Lyngheisenteret, skall spelestaden betale eit **fast beløp på kr 1 750** pluss 25 % mva per speledag til Bygdekino, uavhengig av besøkstalet.

Dei fleste framsyningane går med underskot. I dag dekk Lyngheisenteret underskotet, men dette er noko dei med eit pressa budsjett, ikkje kan fortsetja med. Om Lyngheisenteret ikkje dekk underskotet, vil tilbodet opphøyra.

Fritex ungdomsklubb

Fritex ungdomsklubb på Lindås ble etablert i 1986. Tilbodet er for ungdom i 6.-10. klasse, og dei har ope annakvar fredag. Dei har ca 30 ungdommar pr/klubbkveld

Maksklubben Lindås

Maksklubben er eit kristent barnelag for alderen 4.-7. klasse. Dei har samling annakvar torsdag i kyrkjelydssenteret eller i Lindåshallen.

Pinsemenigheten Eben Eser

Junioren i Eben Eser er ein klubb for born frå 3. klasse og oppover. Det er ein aktivitet dreva ut frå pinsemenigheten Eben Eser på Fammestad i Kløvheim skulekrins. Dei har aktivitet anna kvar tysdag i skuleåret

Alversund KFUK-KFUM spedare

Alversund KFUK-KFUM speidarane i Alversund driv etter KFUK-KFUM sine retningsliner. Dei jobbar med å utvikle barn/ungdoms ferdigheiter og sjølvstende. Dei nyttar seg av naturen og kan også ha prosjekt innandørs, som t.d. knutar, samarbeidsleikar mm. Medlemmene er med på turar, kurs og liknande.

I takt med at laget veks, ser ein behov for meir utstyr og kurstilbod til nye medlemmar.

AKTIVITRET/PROSJEKT

Kyrkjeklubben

Minikonsert med Ingelin Reigstad Norheim 6. mai for medlemmer i kyrkjeklubben og andre interesserte.

Samhald 4H

Samhald 4H har sendt 4 søknadar om aktivitet som dei søkjar tilskot til;

	Søknadssum innstilling	Rådmann si
Styret i Samhald 4H ønskjer å delta på opplæringsprogram i regi av 4H Hordaland i samband med årsmøte i Hordaland. Samstundes skal klubbrådgivarane (vaksne) delta på inspirasjonskurs. Klubbrådgjevaravgift er sett til kr 45.500 i søknaden	kr 45.000	kr 8.000
Kjøp av pil/boge og øks kr 0		kr 5.200
Opplæringstur på Akvariet for alle medlemmar	kr 8.200	kr 0
Behov for telt i samband med deltaking på ulike overnattingsarrangement i Hordaland	kr. 18.000	kr 12.000
Totalt	kr 76.40	kr 20.000

Lindås speidargruppe – NYSTARTA KLUBB

Lindås speidargruppe er nystarta og driv speidararbeid på Lindås. Medlemmane kommer frå Lindås, Myking og Hundvin barneskuler

Då gruppe er nystarta, treng ein midlar til kjøp av utstyr, som t.d. loggbøker, merker, knutetau, brannpledd, tennstål og liknande.

INVESTERING

Samhald 4H

Samhald 4H søker midlar til oppgradering av kjøkken i klubblokalet. Dagens kjøkken står fram som utdatert og lite hygienisk

Kløvheim F Ungdomslag

Bygging av teknisk rom med varmpumpe, nye varmtvassberederar, plass til vaskemaskin og garderobe/lager.

Fritex ungdomsklubb

Fritex ungdomsklubb på Lindås er ein klubb for ungdom mellom 6.-og 10. klassesetrinn. Klubben ønskjer å kjøpe nytt lufthockeybord med motor, då den dei hadde blei øydelagt i 2018.

Lindås speidargruppe – NYSTARTA KLUBB

Lindås speidargruppe er nystarta. Dei søkjar midlar til kjøp av utstyr til aktivitetar, som t.d. bålpanne, padlevestar, stormkjøkken, leirlavvo og liknande.

KULTURVERN OG SAMLINGAR

Til disposisjon kr 205.000
Rådmann si framlegg kr 205.000

Kategori	Søkt	Rådmann si framlegg
Drift	229.000	117.500
Aktivitet/prosjekt	80.500	52.500
Investeringsstilskot	105.000	35.000
TOTALT	414.500	205.000

DRIFT

Nordhordland husflidslag

Husflidslaget arbeida med å fremje god norsk husflid, kulturelt og økonomisk. Dette ved hjelp av kurs, utstillingar, torgdag, ullveka, temakvelder mm. Nordhordland husflidslag driftar Husflidens hus i Hillesvåg der mykje av aktiviteten i form av kurs, er lagt.

Lindås sogelag

Lindås sogelag arbeider for å samle, ta vare på og gjera ålment kjent og tilgjengeleg alt tilfang som har å gjera med ålmenn soger, gards- og ættesoger, levevis, folkeminne, stadnamn og mål i Lindås kommune.

Nordhordland veteranbåtlag

Nordhordland veteranbåtlag eig og driv D/S Oster. Oster var ferdig restaurert i 2005, og i om lag 4-5 månadar i året, er skipet i drift. Driftsutgifter omfattar mellom anna slipsetjing for bunnsmurning, forsikring og bunkerutgifter. Laget søkjar m.a. fylkeskommunen og andre offentlege midlar,.

Alversund mållag

Kulturelle tiltak retta mot barn er prioritert. Laget gjev kvart år ei bokgåve til barnehagane og småskuleklassane i området. Laga har også arbeidd saman med andre mållag i regionen for å setja søkjelys på språklege følgjer av kommunereforma.

Lindås bygdeboknemnd

Lindås bygdeboknemnd driv fleire aktivitetar, m.a. innsamling av bilete, slektsgransking, intervjuar eldre menneskje som kan belyse kvardagshistoria på Lindås området.

Lindås sjøslusar

Driftsutgiftene er årleg leige av sluseplattung og holme, for å sikre tilgang for allmente, samt løypande utgifter ved møtedeltaking mm.

AKTIVITET/PROSJEKT

Veteranbussklubb BNR

I 2011 vedtok styret i Veteranbussklubb BNR at det skulle samlast stoff til en bok om BNT. Det ble gjort eit omfattande dugnadsarbeid og samla inn mengder med tekstar og bilete. Boka om «A/S Bergen Nordhordland Trafikklag – samferdsle i Lindås og Nordhordland 1920-1972» vart ferdigstilt i april 2018 i 1.000 eks. Klubben har donert nokre bøker til Lindås

folkebibliotek.

Det er selt om lag halvdelen av opplaget. Klubben ser at det kan bli slitsamt å få dekket inn alle kostnadene av boken. Trykk og forlagsarbeid utgjorde kr 187.000. Sal av boken har førebels innbrakt kr 130.000

Gro Fyllingsnes

Kulturhistorisk kveld på Gamleskulen på Eikanger med foredrag av Eva Røyane som har skrevet boka om «Klyngetunet». Søkjar eig gamleskulen på Eikanger. Dei jobbar med å utvikle skulen til eit kultursenter i bygda. Dei arrangerer mellom anna kunstutstillingar og kurs.

Gro Fyllingsnes

Husmannsplassen på Vikje er eigd av Lindås kommune. Eikangervåg kultursenter ønskjer å etablere eit minispel med musikk og dramatisering av den siste husmann som budde i Vikje, Hermann Nilsson Eikanger (f. 1883 – d. 1957). Dei har som mål å engasjere profesjonelle krefter i samarbeid med amatørar. I fyrste omgang skal ein samle inn stoff og utvikle eit spel. Målet er å invitere til spel sommaren 2020. 23. juni 2019 vil ein invitere til arrangement i Vikje med «smakebit» av det ein skal utvikle.

Lindås sogelag

Sogelaga i Lindås, Radøy og Meland i samarbeid med Lyngheiseret, som prosjektet kopi av åttetringen Austfjordbåten. Båten er tenkt å vere ein representasjonsbåt for nye Alver kommune og bruksbåt i undervisning for skulane som vitjar Lyngheiseret.. Båten er planlagt bygt ved Hardanger Fartøyvernssenter i Norheimsund.

Originalen er frå 1890, bygd av Jon Johnsen Kikall (1853-1924) i Dyrdal/Skår. Byggeskikken er typisk for Nordhordland. Prosjektet vart starta i 2010, men blei av ulike årsakar, stansa i 2013.

Budsjett for prosjektet er på kr 659.000.

INVESTERING

Lindås slusane

Anskaffe bord og benkar, beplanting, avsperre området mot grunneigar for å unngå tråkk på grunneigar si eigedom, lage grillplass, anskaffe brannslukkemateriale, samt sette opp infoskilt

Lygra kai og grunneigarlag

Lygra kai og grunneigarlag er eigar av Meierikaien på Lygra og kaihuset. Kaihuset var utsett for hærverk og revet ned i april 2018. Planen var at huset skulle rehabiliterast sommaren 2018, etter at sjølve kaien var oppgradert og sikra.

Kaihuset er eit viktig element i det komplette kulturmiljøet som kaien, meieribygget, den gamle vegen dit ned med stabbesteinar representerer.

MUSIKK OG KULTURFORMIDLING

Til disposisjon kr 618.000

Rådmann si framlegg kr 657.900

Kategori	Søkt	Rådmann si framlegg
Drift	858.500	454.000
Aktivitet/prosjekt	419.450	149.400
Investeringstilskot	410.000	54.500
TOTALT	1.687.959	657.900

Det blir gjeve driftstilskot etter følgjande satser

	Grunntilskot	Tilskot under 20	Tilskot over 20
Skulekorps	40.000	300	150
Vaksenkorps	8.000	300	150
Kor	5.000	300	150

DRIFT

Osterfjorden sokneråd

Soknerådet drifter ulike aktiviteter for barn/unge (se søknad under «barn og ungdom – drift») og eldre. Søknaden gjeld Te-Deum kor for vaksne og Osterklang kor for vaksne.

Te Deum er eit vaksenkor som helt til i Ostereidet kyrkje. Dei deltek på gudstenester og andre samlingar, arrangera konsertar og songkveldar.

Osterklang består for det meste av pensjonistar, og oppmøte er svært godt på kvar øving.

Dei deltek på gudstenester minst ein gong kvar mnd, som forsongarar ved liturgi og salmesong. Elles er det konsertar og korkafé utanom kyrkjetid.

Songlaget Alvidt/Manger

Blanda kor på 20 medlemmar som øvar på Knarvik Ungdomsskule. Syng og underhald på sjukeheim, deltar på julekonsertar, nyttårskonsertar. Arrangerar korkafe i Knarvik og på Manger.

Musikkens venner Nordhordland

Skal i følge sine vedtekter arrangere lødig musik av høg kvalitet. Arrangerer konsertar då innan klassisk sjanger. Arrangerer konsertar saman med profesjonelle musistar. Har konsert i samband med knarvikmila. Arrangerer mellom 5-10 konsertar per år. Søkjer driftsmidlar då dei smalare konsertane ofte går med underskot.

Lindås Kulturråd

Driftsmidlar

Knarvik Skulekorps

Har 66 medlemmar fordelt på musikantar i hovudkorps, juniorkorps og aspirantar.

Hovudkorpset har to faste øvingsdagar i veka, i tillegg til ekstraøvingar, helgeseminar og konsertar. Juniorane har to øvingar i veka og er delt inn i grupper. Aspirantane er delt opp i grupper. Det er kostbart å dele opp i grupper, men det er effektivt då den enkelte muskant får tilpassa undervisning ut frå sitt nivå. Må låne instrumentar frå andre korps.

Korpset skal vera med i Den Nationale Scene si oppsetjing «Korps»

Alle medlemmane skal vera med på Hordablesten og aspirantane skal delta på «Vossblås».

I juni skal hovudkorpset til NM i Stavanger, med påfølgande turne til England.

Skodvin Skulemusikk

Deltar i konkurransar og spelar konserter i lokalmiljøet. Held høg fokus p det musikalske og det sosiale. Godt samarbeid mellom dei enkelte gjev grunnlag for godt samspel.

Kløyheim Skulekorps

Korpset har faste øvingar to gangar i veka. 4 helgeseminarar ulike konsertar og deltek p 3 konkurransar årleg inkludert NM. Jobbar kontinuerleg med rekruttering og tilbyr aspirantopplæring. Gje born og unge eit god tilbod i nærmiljø gjennom kvalitet på instrumentpark og høgt fagleg nivå på instruksjon.

Leknes Blåseorkester

Arrangera seminar, konsertar, sosiale og kyrkjelege aktivitetar.

Ostereidet Skulemusikk

Har musikantar frå Ostereidet barneskule, Eikanger barneskule og Ostereidet

Ungdomsskule. Har øving ein dag i veka. Arrangerar 4-5 seminar, to basarar, reiser på to konkurransar og har fleire konsertar i året. Deltek på 17 mai. Er i en oppbyggingsfase og jobbar aktivt med rekruttering frå begge barneskulane.

Lindås Skulekorps

Deltek på ulike arrangement og konsertar, arrangerer basar, deltek på Hordablæsten, landsfestival og NM.

Seim Musikklag

Lavterskeltilbud korps til vaksne. Varierende medlemsmasse både i alder og ferdigheiter. Lage musikk til glede for bygdefolk, andre musikkglade og oss sjølv. Spiller i kirken, på 17 mai og har diverse konsertar i løpet av året.

Strilaringen

Ei folkedansgruppe som skal arbeida for å ta vare p og føra vidare norsk folkedans, folkesong og folkemusikk og verte ei miljøskapande samlivsform. Faste øvinga rein gong i veka, 3-4 dansekveidar i året, fremsyningar i nærområdet, deltek på folkedansfestivalar og arrangerer festivalar i Norhordland med deltaking av utenlandske folkedansgrupper.

Lindås Brass

Vaksne som har tatt hobbyen opp att etter mange års fråver frå skulemusikken. Treng støtte til instruksjon og gruppeøvingar. Dirigentutgifter. Deltek på NM og kom i fjor på 3 plass i 3 divisjon noke dei ynskjer å oppretthalde.

Eikanger-Bjørsvik Musikklag

Held konsertar i inn og utland og deltek på fleire konkurransar kvart år. Deltek på andre korps og orkester sine tilstellingar då på grunn av alt arbeid ein legg ned og bidreg med når det gjeld opplæring og rekruttering av barn og ungdom til skulekorpsa og til andre amatørkorps.

Drift av ungdomsprogram 2019. Engasjerer seg i ungdomsarbeid og jobbar for å opprettholde læring, nysgjerrighet, mestring og utvikling. Dette er avgjerande for rekruttering til vaksenkorpsa.

Oster Brass

Brass bend i 1 divisjon. Medlemmer frå 16-56 år frå heile Norhordland. Gje unge musikantar utfordringar og moglegheiter og engasjere inspirerende dirigentar som skapa reit godt miljø for utvikling. Mål er å vere eit springbrett for ungdom som ønskjer å spele på eit høgare nivå. Har ein bevisst haldning om å skape lokal forankring og tilknytning til kulturlivet i Lindås Kommune. Deltek i NM og Siddis Brass. Treng fleire øvingar og å leige inn fleire instruktørar.

Alversund Kammerkor

Held konsertar og planlegg to store konsertar i år. Tar del i konsertar og med konsertinnslag i gudstjenester i Knarvik Kyrkje, skal delta i TV gudstjenesten 1 påskedag. Planlegg eit prosjekt i september med konsertar i tre kyrkjer, Knarvik, Meland og Manger. Deltek på korseminar.

Alversund Skulemusikkorps

Driftsmidlar

Hjelmås Mannskor

Øving ein gong i veka. Er ein viktig sosial aktivitet for medlemmene og vi skal ha det gøy saman. Opptrer i hovudsak i Norhordland.

Songkoret albatross

Øver ein gong i uka. Syng i kyrkja eller deltek på andre arrangementer som konsertar eller

stemner. Skal på rise i år og fremføre prosjekt frå i fjor då dei ble 30 år.

Seim Songkor

Medlemmar frå heile Norhordland. Held eit høgt sosialt nivå. Har gjort intime og stor oppsetjingar og har delteke med gode resultat i tevlingar både nasjonalt og internasjonalt. Vil i r jobbe med prosjekt knytta til renessanse og 80-tals popmusikk. Samarbeid med ungdomsgruppe og profesjonelle aktørar.

Alversund Musikklag

Eit amatørkorps med janitsjarbesetning. Deltok i NM, to NM seminar, sommarkonsert, nytttrskonsert og julekonsert i Alversund. Samarbeider med andre utenfor kommunen for eit variert musikalsk miljø då dei er einaste amatørkorps med janisjarsbesetning i Lindås.

Aktivitets- og prosjekttilskott:

Seim Songkor

LOVE HURTS! Ein teatralisk konsert frå renessansen og 80 talet. Med dirigent Arild Rohde og samarbeid med regissør Ingrid Askvik, perkusjonist Sondre Veland og teatergruppa Musikaljentene.

Norhordland Song og Musikkverkstad

MIDT I LIVET er eit song og lyrikkprogram basert på Bente Bratlund si dikting. Gjennom ord og musikk skildra rein ulike stemningar som menneske kjem opp i. Ynskjer å vitje sjukeheimane/seniorsentre i Lindås med dette programmet. Dekke honorar, reise og diett.

Hardanger Spelemannslag

Stønad til landsfestivalen 2019 i gammaldansmusikk i Ulvik.

Eikanger-Bjørsvik Musikklag

EM for Brass Band 2019 i Sveits.

Seim Ungdomslag

SEIMSTOCK. Festivalhelg på Seim med Woodstock som tema. Vise fram dei sterke musikalske kreftene i bygda og gjera eit arbeid for å samle bygda og Alver til ei felles kulturell oppleving.

Reidar Konglevoll

Jazz på strilamål. Innkjøp av eit lite PA anlegg til bruk der jazz på strilamål framførast. I tillegg vil han spele inn nye melodiar og tekstar i studio. Pensjonist som skrivar tekstar på strilamål til kjende, eviggrøne melodiar frå jazzen sin gullalder. Held konsertar rundt i distriktet.

Seim Musikklag

20 års jubileum 2019. Jubileumskonsert med fest etterpå. Leige av utstyr, lokale og eksterne aktørar. Jobbast med å skaffe sponsorinntekter.

Skodvin Skulemusikk

The Inspirator er undervisning og konsert med internasjonalt velrennomert musikk. Gode opplæringskrefter og inspirasjon er viktig for å skape musikkglede og mestring for den enkelte musikant og korpset som heilhet. Ein vil drive enkeltundervisning, arrangere materclass for dei eldste, samspel med korpset samt avslutte med ein konsert.

Oster Brass

NM kvalifisering 2019. Oppnå målet om igjen vere 1 divisjons korps treng dei ein ekstra øvinggshelg med inspirerende instruktørar som kan løfte det musikalske nivået. Leige eit lokale som egner seg godt for akustisk opptak samt peronar med lydkompetanse og opptaksutstyr.

Lindås Ungdomslag

17 mai revy og 17 mai opptreden med dans. Oppsett av forestillingene «Olsenbanden på rockeren» og «Uten en rød tråd».

Hjelmås Mannskor

Kast Loss er ein forestilling som skal setjast opp. Leige av lyd/lysutstyr, 3 musikarar i tillegg til dirigent på piano.

Alverrevy

Slettarevyen, Sæbørevyen, Melandsrevyen, Hjemåsrevyen, Ungdomlaget på Lindås og Ivar Hopland frå Seim, har teke initiativ til å lage ei Alverrevy våren 2020. I samband med revyarbeid, blir det planlagt kurs for alle revy/teaterinteresserte i Alver kommune, både dei som har tilknytning til lag og dei som ønskjer å vere med.

Det er planlagt kurshelg i oktober 2019. Det skal bli gjeve kurs i teatersminke, lyd/lys og teatersport og drama.

Investeringer:

Alversund Musikklag

Midlar til oppussing av toalett der det er feil på varmekablane. Blir brukt som øvingslokale for Alversund Musikklag og Alverflaten Jazzband, styremøter, årsmøter, konfirmasjoner mm.

Alversund Skulemusikkorps

Investering av utstyr til skulekorps.

Skodvin Skulemusikk

Nye pauker noe som vil verte eit økonomisk løft for korpset.

Oster Brass

Støtte til instrumentkjøp. I dag lånar dei utstyr frå Eikanger-Bjørsvik, leige over tid blir dyrt, ønskjer å investere i eget utstyr. Eb-tuba, Bb-tuba og ein baryton.

ANDRE KULTURAKTIVITETAR

Til disposisjon kr 220.600

Rådmann si framlegg kr 220.600

Kategori	Søkt	Rådmann si framlegg
Drift	265.500	105.000
Aktivitet/prosjekt	98.666	21.000
Investeringstilskot	293.000	94.600
TOTALT	657.166	220.600

Drift:

Lindås Revmatikerlag

Trening i oppvarma basseng både for medlemmar og ikkje medlemmar.

Lindås Kyrkjepark

Kulturprosjekt i Lindås og norhordland. Årlege vedlikehaldstiltak av parkområdet.

Vestre Vassbygd Grendahus

Nytta som møteplass for ulike arrangementer, med anna påskelotteri, raspeballmiddag, fjelltur og kjøttkakemiddag, jonsokfeiring, Gudstjeneste fjerde søndag i advent og juletefest. Huset vert også nytta til utleige til ulike private arrangement som til dømes bursdagsfeiring,

julebord, barnedåp, konfirmasjon og minnesamvær.

Kløyheim F Ungdomslag

Nyheim Kino fammestad er eigd og vert driven av Kløyheim F Ungdomslag.

Ostereidet Bygdelag

Bygdelaget har årsmøte, styremøter og legg til rette for at det skal vera tilbod og aktiviteter i ostereidekrinsen. Skal fremje interessene knytt til skulekrinsen og tetstaden p ostereidet og arbeider for fellesskapet sine interesser og for at Ostereidet skal vera ein bra stad å bu og ha gode møteplassar.

Lindås Pensjonistlag

Har mange tilbod til seniorar frå 60 år og oppover. Medlemsmøter kvar måned, seniordans i Lindåshallen, bowling, onsdagstreff og førstehjelpstrening. Dei har teaterturer til Bergen, rlege sommarturar, markering av den internasjonale aktivitetdagen og eldredagen samt salmekveld i kyrkja.

Bygdelaget 5915

Eit fellesorgan for bygda som soknar til Leiknes skulekrins. Skal vera ei samlande, inkluderande og koordinerande kraft som fremjar heilskapstenking, humør og positiv innsats for bygda. Representerer bygda som høyrings og samarbeidsorgan inn mot kommunen og andre offentlege instansar. Stimulere til frivillig verksemd.

Lindås Indremisjon

Forsamlingshus brukt til oppbyggelege møter. Dei største utgiftene for huset er forsikring og offentlege utgifter. Vedlikehald av hus og inventar. Pålegg om utbedring av det elektriske anlegg.

Romarheim Indremisjon

Romarheim Bedehus nyttast til møter og samlingar og aktivitetar for alle aldrar. Gravferdar til Romarheim gravplass har seremoni p bedehuset. Brukt til minnesamvær. Ein gong i månaden laga rein gruppe pensjonistar raspeballmiddag i bedehuset.

Edru Livsstil Norhordland

Arbeider for en rusfri livsstil og aktiviteter som fremmer bedre helse, kultur, idrett, alkoholpolitiske pressesaker, lagarbeid mm.

Haugatun Samfunnshus

Ungdomslaget sine øvingar og forestillinger. Lokale fester i bygda vert helde her, konfirmasjonar og andre livshendinger. Hovedutgifter er straum, forsikring, alarm og vedlikehald.

Holy Riders Mc Norhordland

Oppussing av klubbhuset-bytte vindauge og renovere kjøkken. Utskifting av varmpumpe på klubbhuset nødvendig samt vedlikehald av huset. Høyt aktivitetsnivå med kafedrift som er kvar tysdag.

Aktivitets og prosjekttilskott:

Hilland Velforening

Nytt dissestativ.

Edru Livsstil Norhordland

Konsert i Knarvik kyrkje til høsten i samarbeid med Bente Bratlund, Kjersti Wiik og Trond Fykse. Konsert «MIDT I LIVET»

Amcar Norhordland

Samarbeid med frivilligsentralen i Lindås Kommune

Landsforeningen for pårørende innen psykisk helse Norhordland

Positive påfyll hos dei som slit. Skifest 2019 p Oset Høyfjellshotell.

Vestre Vassbygd Grendahus

Sal av handlenett. Eit slag for miljøet ved å bidra til reduksjon av plastposar. Selja bærenett av bomull med logo av grendahuset. Utlysa ein logokonkurranse der alle kan vera med å utforma logoen.

Molvik Vel

Bygdehefte for Molvik som inneheld informasjon om kvart gardsbruk, informasjon om alle hytte og fritidsbustader, informasjon om uthus/bygg som har vert i bygda og kart over Molvik med gamle stadsnamn. Bygdeheftet vil dokumentere folks livsførsel fra de tidlegare tider gjennom historie og bilder frem til i dag.

Investeringer:

Haugatun Samfunnshus

Oppgradering av passasjen mellom stove og kjøkken.

Alvermarka Vel

Leikeplass ved ballbanen i Alvermarka.

Vestre Vassbygd Grendahus

Nye bord, treng 10m stykker samt ein tralle til oppbevaring av borda.

Lindås Indremisjon

Oppgradering av EL anlegg. Har fått pålegg av BKK om utbedringer av det elektriske anlegget.

Romarheim Indremisjon

Investeringar lyd og inventar. Treng meir dekketøy og ein oppvaskemaskin.

Ungdomslaget Heimhug

Oppgradering av utstyr. Utbedring av elektrisk anlegg, oppgradering av lyd og lysutstyr, ny varmtvannsbeholder, rullestolrampe ved inngangsdøra, kostyme og sminke.

Hundvingrend Indremisjon

Ny miksepult i storsalen.

Kløvheim F Ungdomslag

Oppgradering av lydanlegg.

Verås Grendahus

Utskifting av gulv og elektrisk anlegg.

IDRETT

Til disposisjon

kr 836.000

Rådmann si framlegg

kr 835.970

Kategori	Søkt	Rådmann si framlegg
Drift	1.195.000	709.670
Drift (ikkje medlem av idrettsråd)	85.000	40.000
Aktivitet/prosjekt	109.800	41.000
Investeringstilskot	376.391	45.300
TOTALT	1.726.191	835.970

AKTIVITETS-/PROSJEKTTILSKOT FILS/AKS-77

Klubben søker midlar til treningsleir for alle barn og ungdom i klubben. For at alle skal kunne vere med, dekkjar klubben mesteparten av kostnadene knytt til treningsopphaldet i Strandebarm. Målet med samlinga er eit godt samhald i laget og byggje venskap

Nordhordland ballklubb (NBK)

NBK blei i 2015 sertifisert som Kvalitetsklubb nivå 1. Det er no sett i gang prosess for å bli godkjend som kvalitetsklubb nivå 2.

Eit av dei mest sentrale områder i denne prosessen er kompetanseheving for trenare og leiare, der trenere skal ha minimum C-lisens/grasrotrenarkurs og alle styremedlemmar skal minimum ha gjennomført FLK Fotballeiarkurs

Nordhordland ballklubb

NBK feirar 40 års jubileum i 2019. Klubben skal markere dette 15-17 november. Det skal arrangeras ulike arrangement for barna 6-12 år, 13-18 år og for dei vaksne. Endeleg program er ikkje klar.

Nordhordland turlag (NT)

NT startar ny turgruppe som heiter «Klart det går»! Det gir tilbod om tilrettelagt friluftsliv for menneskje med nedsett funksjonsevne av fysisk eller psykisk karakter.

NT har behov for å kjøpe utstyr til denne aktiviteten.

Nordhordland turlag (NT)

NT skal arrangerer «Opptur» for alle på 8. klassesteg. NT sett opp buss til startplass og det blir premiering ved målgang.

Trond Mohn Games

I samband med Trond Mohn fylte 70 år i 2018, ble det teke initiativ til Trond Mohn Games. Arrangementet var ein suksess, så no ønskjer arrangørane å arrangere på nytt i 2019. I 2018 var det løyvd kr 8.000 i kulturmidlar til arrangementet. Bakgrunn at Mohn har betydd mykje for idretten i Lindås og Hordaland. I år er rådmann si framlegg kr 0. Årsak er at vi ikkje kan støtte arrangement i andre kommunar.

NM i landevegssykling

Nordhordland sykkelklubb har fått tildelt master NM (veteran NM) for landevegssykling helga 28-30 juni. Utfrå tidlegare NM kan det forventas 3-400 utøvere frå heile landet, samt støtteapparat. Arrangementet har ei n kostnadsramme på kr 150.000.

Nordhordland pistolklubb

Utandørs skytebane i Radøy

FIL Aks77

Bygge lesskur ved kastebanen i Knarvik for å gi lys for regn og vind for utøvere under trening og stevner

Nordhordland bokseklubb

Bygge samanleggbar boksering og slagsekkar i treningslokalet

Lindås skyttarlag

I samband med tilrettelegging av nytt standplass, må skiveanlegget flyttast. Dette krev nytt fundament, kulefang og innbygging og neslag.

Alver klatreklubb

Klubben skal flytte mesteparten av verksemda til den nye klatrehallen på Knarvik barneskole. Dei forventar stor vekst i interesserte og ønskjer å utvide tilbodet sitt. I samband md dette er det behov for meir utstyr.

.....